

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Сыктывкар» кар кытшса муниципальной юкӧнлӧн мутасын меститчысь республика тӧдчанлуна торйӧн ёна видзан вӧр-ва мутасьяс да Коми АССР-са Министрьяс Сӧветлӧн, Коми Республикаса Министрьяс Сӧветлӧн ӧткымын шуӧмӧ вежсьӧмьяс пыртӧм йылысь

Коми Республикаса Веськӧдлан котыр шуис:

1. Вынсьӧдны:

1) «Белоборскӧй» республика тӧдчанлуна канму вӧр-ва заказник йылысь положение 1 №-а содтӧд серти;

2) «Вылыс Печга» республика тӧдчанлуна канму вӧр-ва заказник йылысь положение 2 №-а содтӧд серти.

2. Пыртны Коми АССР-са Министрьяс Сӧветлӧн, Коми Республикаса Министрьяс Сӧветлӧн ӧткымын шуӧмӧ 3 №-а содтӧдын индӧм лыддьӧг серти вежсьӧмьяс.

3. Тайӧ шуӧмыс вынсялӧ сійӧс официальной йӧзӧдӧмсянь дас лун кольӧм мысти.

Коми Республикаса Веськӧдлан котырӧн
Юрнуӧдысьӧс Медводдза вежысь

И. Булатов

Сыктывкар

2020 вося вӧльгым тӧлысь 16 лун

554 №

ВЫНСЬӦДӦМА
Коми Республикаса Веськӧдлан котырлӧн
2020 во вӧльгым тӧлысь 16 лунся 554 №-а шуӧм дорӧ
(1№-а содтӧд)

«Белоборскӧй» республика тӧдчанлуна
канму вӧр-ва заказник йылысь
ПОЛОЖЕНИЕ

1. Панас

«Белоборскӧй» республика тӧдчанлуна канму вӧр-ва заказниксӧ (водзӧ – заказник) артмӧдӧма «Коми АССР-ын выль заказникъяс да вӧр-ва памятникъяс индӧм йылысь» Коми АССР-са Министръяс Сӧветлӧн 1989 во кӧч тӧлысь 26 лунся 193 №-а шуӧмӧн.

Заказник лоӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм комплекснӧй (ландшафтнӧй) нырвизь.

ООПТ-лӧн тыр ним: «Белоборскӧй» республика тӧдчанлуна канму вӧр-ва заказник.

ООПТ-лӧн дженъыд ним: «Белоборскӧй» заказник.

Заказниксӧ артмӧдӧма вына кадколаст урчиттӧг да заказниклӧн мудоръясын меститчысь му участокъяссӧ вӧдитчысьяслысь, кутысьяслысь да кийн кутысьяслысь найӧс босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсьӧ Коми Республикаса Веськӧдлан котырлӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксӧ артмӧдӧма сы могысь, медым видзны шӧр пармаса вӧр-ва комплекссӧ.

2.2. Заказниклӧн медшӧр могъяс:

видзны экологическӧй ӧтвесьталунсӧ;

видзны ландшафтнӧй да биологическӧй унапӧлӧслунсӧ, сы лыдын пемӧсьяслысь да быдмӧгъяслысь шоча паныдасьлысь сикасьяслысь оланінсӧ да быдманінсӧ;

лӧсьӧдны вӧр-ва комплексъясн ывлывса процессъяс туялӧм да экосистемаяслӧн серпас вежсьӧм бӧрся видзӧдӧм могысь условиеяссӧ;
лӧсьӧдны экология боксянь тӧдӧмлун сетӧм да туризм вылӧ условиеяссӧ.

3. Заказниклӧн меститчанін да площадь

3.1. Заказникыс меститчӧ «Сыктывкар» кар кытшса муниципальной юкӧнлӧн мутасын, Съӧдкыркӧтш посёлоксянь 2 км рытив-войвывлань, мыйкӧ мында меститчӧ Сыктывкарса лесничестволӧн Трехозёркаса участковой лесничестволӧн 140, 141, 150, 160, 167 кварталъясн да 135-139, 142-144, 151-153, 161-163, 168-170, 176-180, 185-188, 203 кварталъяслӧн мудоръясын. Заказниклӧн мутасӧ сідзжӧ пырӧны видз-му овмӧс тӧдчанлуна муяс, кутшӧмъяс меститчӧны Эжва юлӧн ойдланінвывса веськыд террасаын Сыктывкарса лесничестволӧн Трехозёркаса участковой лесничестволӧн 176, 203 кварталъяссянь рытивладорса да 185-188, 203 кварталъяссянь лунвывладорса участокъясн.

Заказник меститчанінлысь карта-схемасӧ вайӧдӧма тайӧ Положение дорӧ 1 содтӧдын *.

3.1. Заказник мутаслӧн площадьыс лоӧ 8587,74 га.

*Оз йӧзӧдсы.

4. Заказниклӧн мудоръяс

4.1. Заказниклӧн мудорыс мунӧ Сыктывкарса лесничестволӧн Трехозёркаса участковой лесничестволӧн 135 кварталлӧн рытив-войвыв мудорсянь 135-139 кварталъяслӧн войвыв мудоръясті, 139, 144, 153, 163, 170, 180, 188 кварталъяслӧн асывыв мудоръясті 188 кварталлӧн лунвыв помӧдз. Водзӧ веськыда лунвывлань Эжва юлӧн веськыд берегкӧд вомӧнасянінӧдз. Водзӧ ёнджыкасӧ рытив-войвывлань Эжва юлӧн веськыд вадор визьті 17,1 км условной чутӧдз, кӧні Эжва ю вожалӧ веськыд Белоборской вис да шуйга Сертополой вис вылӧ. Водзӧ войвывлань 600 м веськыда. Водзӧ ёнджыкасӧ войвывлань Эжва юса Сертополой шуйга вислӧн веськыд вадор визьӧд 6,6 км Нидзяс ділӧн войвыв помӧдз. Водзӧ асыв-войвылӧ 450 метра веськыда Эжва юлӧн Белоборской веськыд вислӧн веськыд вадор визькӧд вомӧнасянінӧдз. Водзӧ ёнджыкасӧ асыв-лунвывлань Эжва юлӧн Белоборской веськыд вислӧн веськыд вадор визьӧд 6 км 140 кварталлӧн рытив-лунвыв помӧдз. Водзӧ 140, 135 кварталъяслӧн рытив мудоръясті петан чутӧдз.

4.2. Заказниклысь мудорьяссӧ петкӧдлӧма карта-схема вылын тайӧ

Положение дорö 2 содтöдын*.

4.3. Заказниклön мудорьяс йылысь тöдмөгьяссö пыртöма Вөрзöдны позьтöм эмбурилön öтувья канму реестрö 11:04-9.1 номер улын.

*Оз йöзöдсьы.

5. Заказниклön мудорьясын меститчöм видзан вөр-ва комплексьяс да налön компонентьяс

Резерватлön мутасын ёнджыкасö быдмöны пожöма вөрьяс, сораса да посни корья вөр, ягьяс, эмöсь ойдлан видзьяс, кöни быдмö уна сикас быдмөг. Заказниклön унджык мутасын быдмö пöжöма вөр. Туруна-куста яруслön да пожöма вөрьясын му веркöслön тэчасыс вежсьö сы серти, ёна-ö васöд муыс. Роя-пожöма вөрьясыс, мый артмисны кос лыа мусиньясын, ёна-ö содö мулön васöдлуныс вежсьöны веж нитшкаяс да водзö нитшка öткотырьяс вылö. Нюрьясыс абу ыджыдöсь, вуджан сикаса мусюра-тыя да мусюра-йöнöда комплексьяса. Паськыда сöвмöмаöсь ойдланіньяс: ойдлан видзьяс, тыяс-важ ю сёртасьяс, вөр дияс, увтасіньясса нюрьяс. Ойдлан видзьяслön гырысь массивьясыс меститчöны заказниклön рытив-лунвылын да рытиввылын. Эжвалön да важ ю сёртас тыяслön вадорьясын быдмöны кустарникöвöй да древовиднöй бадьяс.

Видзан мутасын пасйöма сосудистöй быдмөгьяслысь 200-ысь унджык сикас, кодьяс тшöкыда паныдасьлöны европаса Асыв-Войвывлön шөр пармаса зонаулын. Быдмөгьяслön торьяланлуныс сыын, мый тані эмöсь ю да юдорса уна быдмөг. Тайö артмöма сы вöсна, мый тані эмöсь ыджыд ю да гырысь тыяс. Тайö сирпинь турунлön некымын сикас, обыкновеннöй болля ва турун (*Utricularia vulgaris*), виж ваакань (*Nuphar lutea*), ичöt ва нявда (*Lemna minor*), ва лапкор (*Alisma plantago-aquatica*), обыкновеннöй утка турун (*Sagittaria sagittifolia*), земноводнöй жерушник (*Rorippa amphibia*) да мукöд. Шоча паныдасьлысь быдмөг сикасыс этша. Тані оз уна лыдön быдмы войвыв орхидеялön кык сикас: Фукслön мöсняк турун (*Dactylorhiza Fuchsii*) да посни наридз турун (*Platanthera biolia*), кодьясöс пыртöма Быдмөгьяслön лыддьöгö (списокö), кодьяслön вөр-ваын олöм бöрся колö торйön тöждысьны да кодьясöс вöзйöма босьтны биология боксянь дöзьөр улö, кутшöмöс вынсьöдöма Коми Республикаса вөр-ва озырлун да гөгöртас видзан министерстволön 2019 во рака тöлысь 27 лунся 498 №-а тшöктöдön (3 №-а содтöд). Ёна голь и важья неморальнöй комплексыс, кутшöмöс петкөдлöма некымын кустарникön – кöинсэтöрөн (*Lonicera xylosteum*), жовпуөн (*Viburnum opulus*) да вөр гормөгön (*Daphne mezereum*). Важ пожöма ягьясын да ойдлан козьяиньясын быдмöны

ройяс: почечной акрокordia (*Acrocordia gemmata*), сораса фускопаннария (*Fuscopannaria confusa*), зернистой псевдеверния (*Pseudevernia furfuracea*), кодьясöс пыртöма Коми Республикаса гöрд небöгö (2019).

Тыясын, ойдлан видзьясын да нюрсялöм увтасиньясын поздысьöны уялысь пöткаяс, ёнджыкасö уткаяс. Арся да тувсовья лэбöмьяс дырйи видзьяс да тыяс вылö пуксьöны дзодзöгьяс да юсьяс. Ягвывса пöткаясысь паныдасьö сьöла (*Bonasa bonasia*), тар (*Lyrurus tetrix*) да дозмöр (*Tetrao urogallus*). Сидзжö эмöсь кöчьяс, урьяс, визьярдаяс, ручьяс. Ихтиофаунасö петкöдлöма зарни рöма гычöн (*Carassius carassius*), сирöн (*Esox lucius*), обыкновенной ёкышöн (*Perca fluviatilis*), обыкновенной кельчиöн (*Rutilus rutilus*), обыкновенной йöршöн (*Gymnocephalus cernua*), ёдiöн (*Abramis brama*) да сынöн (*Leuciscus idus*).

6. Заказник торйöн ёна видзан режим

6.1. Заказниклöн мутасын оз позь вöчны овмöс нуöдан да мукöд удж, мый вöсна вермас торкесьыны экосистемаяслöн дзоньлуныс, сы лыдын:

1) капитальной стрöитан объектьяс стрöитöм, тайö Положениелöн 6.4 пунктын индöм случайяс кындзи;

2) линейной объектьяс стрöитöм, тайö Положениелöн 6.2 пунктын индöм случайяс кындзи;

3) вöр пуктасьяс кералöм, санитарно-оздоровительной мероприятиеяс, пöжарысь видзчысьöмсö могмöдан мероприятиеяс нуöдiгöн кералöмьяс, квартальной прöсекаяс, визирьяс кералöм, весалöм, туйяс, кутшöмьяс эмöсь, видзöм могысь кералöмьяс, а сидзжö вöчны позяна удж сикасьяскöд йитчöм мукöд кералöм кындзи;

4) вöр бурмöдöм вöр культураяс лöсьöдöмöн, вöр участокьясын, кöни вöр пуктасьясыс кулöмаöсь либö тшыкöмаöсь пöжарьяс, лёк организмьяслöн тöдчöм вöсна, а сидзжö вöр участокьясын вöр бурмöдöм кындзи, кöни санитарной могьясын нуöдiсны öтпомся кералöмьяс;

5) древесина да живица заптöм;

6) абу пуа вöр ресурсьяс, вöрса сёян-юан да бурдöдан быдмөгьяс заптöм да чукöртöм, индöм ресурсьяссö да быдмөгьяссö гражданаөн асланыс могьяс вылö заптöм да чукöртöм кындзи;

7) геологической, ботанической, зоологической да мукöд коллекция чукöртöм, наука-туялан могьясын найöс чукöртöм кындзи заказникöн веськöдлысь органкöд сöгласуйтöмöн;

8) муяс бурмöдöм да гөрöм, видз-му овмöс муяс кындзи;

9) ытшкӧм, видз-му овмӧсса пемӧсьясӧс йирсьӧдӧм (та вылӧ индӧм местаясысь бокин), налы гожея лагерьяс да ваннаяс котыртӧм, индӧм уджсӧ видз-му овмӧсса муяс вылын збыльмӧдӧм кындзи;

10) прӧмыслӧвӧя, любительскӧя да спортивнӧя кыйсьӧм да промышленнӧя чери кыйӧм;

11) туйясысь, кутшӧмьяс эмӧсь, да торйӧн индӧм местаясысь бокин механизируйтӧм транспортлӧн ветлӧм да сулалӧм (заказник видзан мероприятиея, а сӧдзжӧ вӧр-ва объектъяс да комплексъяс видзан да бӧр лӧсьӧдан мероприятиеяс нуӧдӧмкӧд йитчӧм случайяс кындзи), механической транспорт средствояс кындзи, кутшӧмьяс ветлӧны да сулалӧны тӧвнас, кор усьӧма лым сӧк, кор оз лӧдзны му эжӧд, быдмӧгьяс да вӧр пуктасьяс жугӧдӧмсӧ;

12) мупытша озырлун перйӧм да туйлӧм, Эжва ю сӧртас кындзи (Шердиполой (Шардиполой) вис пыртӧмӧн, заказниклӧн мудорьясын);

13) химия препаратъяс да мувердас видзӧм да наӧн вӧдитчӧм, видз-му овмӧсса муяс вылын мувердасӧн вӧдитчӧм кындзи;

14) заказниклысь мутас ӧгӧсьтӧм да нйитчӧдӧм, а сӧдзжӧ производство да потребление шыбласьяс меститӧм (видзӧм да гуалӧм), ортсӧ лӧдзан ва бокӧ нуӧдӧм;

15) му эжӧд да быдмӧгьяс тшыкӧдӧм, 6.2 да 6.4 пунктъясын индӧм случайяс кындзи;

16) позьяс да горсьяс жугӧдӧм;

17) аншлагьяс, шлагбаумьяс, стендьяс, суйӧрса сюрьяяс, мукӧд юӧртан пас да индӧд, экологической туйяслысь да шойччанӧнъяслысь оборудование бырӧдӧм да тшыкӧдӧм, пуяс вылын гижӧдьяс да пасьяс вӧчӧм.

6.2. Заказниклӧн мутасын позьӧ:

1) котыртны да нуӧдны вӧр овмӧс, нуӧдны вӧрьясын пӧжарысь да санитарнӧй боксянь видзчысьӧмсӧ могмӧдан, вӧр бурмӧдан да вӧр бӧрся дӧзьӧритан мероприятиеяс вӧр йитӧдьяс ладмӧдан юкӧнын оланпастӧчасӧн урчитӧм пӧрадокын тайӧ Положениелӧн 6.1 пунктса корӧмьяс тӧд вылын кутӧмӧн;

2) кыйны чери оланпастӧчасӧн урчитӧм пӧрадокын любительскӧя да спортивнӧя;

3) стрӧитны абу капитальной стрӧйбаяс да сооружениеяс, кутшӧмьяс йитчӧмаӧсь вӧчны позяна удж сикасъяс збыльмӧдӧмкӧд;

4) стрӧитны, вильмӧдны, уджӧдны линейной объектъяс, а сӧдзжӧ сооружениеяс, кодьяс лӧӧны линейной объектъяслӧн торйӧдтӧм технологической юкӧнӧн, вӧдитчыны наӧн сӧк, кор найӧс оз позь меститны

мөдлаө, а сідзжө заказниклысь уджалөмсө могмөдөм могысь, заказникөн веськөдлысь органкөд сөгласуйтөмөн;

5) капиталнөя дзоньтавны линейной объектьяссө;

6) нуөдны наука-туялан, экология боксянь төдөмлун сетан, рекреационной да туризм удж заказникөн веськөдлысь органкөд сөгласуйтөмөн;

7) вөчны потшөсьяс сы могысь, медым видзны вөрпаркса зонасө 135 - 139, 140 - 144, 150 - 153, 160 - 163, 167 - 170, 176 - 180, 185 - 188, 203 №№-а кварталъясын;

8) стрөитны, капиталнөя дзоньтавны да выльмөдны гидротехнической сооружениеяс заказникөн веськөдлысь органкөд сөгласуйтөмөн;

9) Эжва юлөн участокъясын (Шердиполой виссө пыртөмөн) да сылөн ва видзан зонаын, кутшөмъяс меститчөмаось заказниклөн мудорьясын, нуөдны вөчны поэяна удж сикасьяс, мыйысь абу өлөдөма урчитөм пөрадокын оланпастэчасөн;

10) нуөдны пыдөс джудждөдан уджъяс;

11) овмөс да мукөд удж нуөдан мөд сикасьяс, мыйысь абу өлөдөма вөр-ваён вөдитчан да гөгөртас видзан юкөнын оланпастэчасөн да тайө Положениеөн, оланпастэчасөн урчитөм пөрадокын.

6.3. Заказниклөн мутасын торйөдөны традиционной овмөс удж нуөдан зонаяс:

1 №-а традиционной овмөс удж нуөдан зонаыс меститчө Трөхозёрка ккп;

2 №-а традиционной овмөс удж нуөдан зонаыс меститчө Съөдкыркөтш ккп;

3 №-а традиционной овмөс удж нуөдан зонаыс меститчө 11:05:0103005 №-а кадастрөвөй кварталлөн мутасын;

4 №-а традиционной овмөс удж нуөдан зонаыс меститчө 11:05:0701001:13 кадастрөвөй номера му участок (инөд кутысь – «Челядылы да томуловлы спорт да туризм республиканской шөрин» содтөд төдөмлун сетан Коми Республикаса канму ашшөрлуна учреждение»).

6.4. Тайө Положениелөн 6.3 пунктындөм традиционной овмөс удж нуөдан зонаяслөн мудорьясын позьө:

1) стрөитны, выльмөдны, уджөдны капиталнөя стрөитан объектьяс медыджыд урчитөм параметрьяс серти*;

*Заказниклөн мутасын капиталнөя стрөитан объектьяс стрөитны, выльмөдны поэяна медыджыд параметрьяс:

Д/в №	Заказниклөн мутасын капиталнөя стрөитан объектьяс стрөитны, выльмөдны поэяна медыджыд параметрьяс:	Урчитөм ыдждалун
----------	--	---------------------

1	Му участокъяслөн мудорьяссянь медічот кежөмьяс, м	6
2	Капитальнөя стрөитан объектъяслөн, связь сооружениеяс кындзи, медыджыд джуджда, м	10
3	Связь сооружениеяслөн медыджыд джуджда, м	30
4	Заказниклөн отувья площадьысь заказниклөн мудорьясын стрөитчөмлөн медыджыд прөчент, %	4

2) капитальнөя дзоньтавны да разны капитальнөя стрөитан да линейной объектъяс;

3) меститны производство да потребление шыбласьяс тайө медшөр могьяс вылө торйөн лөсьөдөм местаясын.

7. Бөртас

7.1. Заказниксө, сы лыдын сылөн мутасын меститчысь вөр-ва комплексьяссө да налысь компонентьяссө, видзöны вөр-ваөн вөдитчан да гөгөртас видзан юкöнын оланпастэчас серти.

7.2. Заказниклөн вөр-ва комплексьяслы да налөн компонентьяслы лөктор вöчан грöz артмөм дырйи сылөн мутасын вöчны позяна удж сикасыяссө дзескөдöны, недыр кад кежлө дугөдöны либө дугөдöны федеральной оланпастэчасөн урчитөм пöрадокын.

7.3. Заказниклысь мутассө места вылын индöны öлөдан да юöртан пасьяс сувтөдөмөн, а сідзжө торйөдöны тематической картография материальяс вылын.

7.4. Заказниклөн вөр-ва комплексьяслы либө налөн компонентьяслы вöчөм лөкторсө колö вештыны Россия Федерацияса оланпастэчас серти.

7.5. Йөз, кодьяс мыжаөсь заказник торйөн ёна видзан урчитөм режим торкөмын, кыскöны кывкутөмө Россия Федерацияса оланпастэчас серти.

7.6. Заказник торйөн ёна видзан урчитөм режимлөн уджалөм да сійөс могмөдан мероприятиеяс збыльмөдсьöны Коми Республикаса республиканской сьöмкуд сьöм да оланпастэчасөн абу öлөдөм мукөд öшмөс тшöt весьтө.

Пасйөд. Мудорьяссө опишитөма Сыктывкарса лесничестволысь 2013 вося вөр овмөс котыртан да нуөдан материальяссө төд вылө босьтөмөн.

ВЫНСЬӦДӦМА
Коми Республикаса Веськӧдлан котырлӧн
2020 во вӧльгым тӧлысь 16 лунся 554 №-а шуӧм дорӧ
(2 №-а содтӧд)

«Вылыс Печга» республика тӧдчанлуна
канму вӧр-ва заказник йылысь
ПОЛОЖЕНИЕ

1. Панас

«Вылыс Печга» республика тӧдчанлуна канму вӧр-ва заказниксӧ (водзӧ – заказник) артмӧдӧма «Коми АССР-ын заказникъяс да вӧр-ва памятникъяс индӧм йылысь» Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧмӧн.

Заказник лоӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: «Вылыс Печга» республика тӧдчанлуна канму вӧр-ва заказник.

ООПТ-лӧн дженъыд ним: «Вылыс Печга» заказник.

Заказниксӧ лӧсьӧдӧма вына кадколаст урчиттӧг да заказниклӧн мудоръясын меститчысь му участокъяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсьӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксӧ лӧсьӧдӧма сы могысь, медым видзны экологическӧй баланссӧ да гӧгрӧс турипувлысь (*Oxycoccus palustris*) быдтан да рӧдмӧдан условиеяссӧ.

2.2. Заказниклӧн шӧр могъяс:

видзны экологическӧй ӧтвесьталун;

видзны ландшафтнӧй да биологическӧй унапӧлӧслунсӧ;

видзны муывывса да ва экосистемаяслысь гидрологическӧй режимсӧ;

лӧсьӧдны вӧр-ва комплексъясын ывлавывса процессъяссӧ туялӧм да

экосистемаяслөн серпас бӱрся видзӱдӱм могысь условиеяссӱ.

3. Заказниклӱн меститчанӱн да площадь

3.1. Заказникыс меститчӱ «Сыктывкар» кар кытшса муниципальной юкӱнлӱн мутасын, Сыктывкарсянь 27 км рытыв-войвывлань, Сыктывкарса лесничестволӱн Эжваса участковой лесничествоян 68-70, 80, 81 квартальяслӱн мудорьясын.

Заказник меститчанӱнлысь карта-схемасӱ вайӱдӱма тайӱ Положение дорӱ 1 содтӱдын*.

3.2. Заказник мутаслӱн площадьыс лоӱ 280 га.

*Оз йӱзӱдсы.

4. Заказниклӱн мудорьяс

4.1. Заказниклӱн мудорыс мунӱ Сыктывкарса лесничестволӱн Эжваса участковой лесничествоян 68 кварталса 8 выделлӱн рытыв-войвыв помсянь 68 кварталса 8 выделлӱн войвыв мудортӱ, 69 кварталса 7 выделлӱн войвыв мудортӱ, 70 кварталса 8 выделлӱн войвыв, асывыв да лунвыв мудорьястӱ, 69 кварталса 7 выделлӱн лунвыв мудортӱ, 81 кварталса 1 выделлӱн лунвыв мудортӱ, 80 кварталса 1 выделлӱн лунвыв да рытыввыв мудорьястӱ, 68 кварталса 8 выделлӱн рытыввыв мудортӱ петан чутӱдз.

Заказниклӱн мудорӱ сӱдзжӱ тырвуйӱ пырӱны Сыктывкарса лесничестволӱн Эжваса участковой лесничествоян 68 кварталса 9 выдел да 80 кварталса 2 выдел.

4.2. Заказниклысь мудорьяссӱ петкӱдлӱма карта-схема вылын тайӱ Положение дорӱ 2 содтӱдын*.

*Оз йӱзӱдсы.

5. Заказниклӱн мудорьясын меститчысь видзан вӱр-ва комплексьяс да налӱн компонентьяс

Заказниклӱн мудорьясын видзӱны олиготрофнӱй нитшка нюр. Сӱйӱ абу мылькья, морфологической элементьясыс омӱля торьялӱны.

Йылыс вешйöма массивлөн асыввывлань да сэні быдмöны 2-4 м джуджда ляпкыд обыкновенной пöжöмьяс (*Pinus sylvestris*). Микрорельефыс вутшка, местаясөн нейджыд йөнöдьяса. Джуджыд вутшьяс дорын эмöсь пöжöма-куста-мырпома котырьяс, кöни медуна быдмö нюрвывса момга турун (*Chamaedaphne calyculata*), обыкновенной подбел (*Andromeda polifolia*), керч (*Ledum palustre*) да туруна-куста ярусын быдмö мырпом (*Rubus chamaemorus*) му веркöсын рудовгöрд нюр нитш. Нейджыд вутшьяс вылын да вутш костьясын быдмöны куста-гöнаюра-нитшка фитоценозьяс. Сэні öтшöтш быдмöны влагалищной гöнаюр (*Eriophorum vaginatum*) да кустьяс, а му веркöсыс артмöма куим сикас нитшкысь: рудовгöрд нюр нитшкысь, магелланской нюр нитшкысь (*Sphagnum magellanicum*) да векньыд корья нюр нитшкысь (*Sphagnum angustifolium*). И тайö, и мукöд котырьясын сідзжö быдмö гöгрöс турипув да кузьмöс турипув (*Oxycoccus microcarpus*), ляк кыз (*Betula nana*), обыкновенной чöдлач (*Vaccinium uliginosum*), обоеполöй понпир (*Empetrum hermaphroditum*), английской лысватурун (*Drosera anglica*), этша дзоридза эжөр (*Carex pauciflora*), Руссовлөн нюр нитш (*Sphagnum russowii*), нюрвыв аулакомниум (*Aulacomnium palustre*) да сжатöй политрихум (*Polytrichum strictum*). Нейджыд йөнöдьяс босьтöны участоклысь 10 %, найö шейхцерия-нитшкаöсь, шейхцерия-гöнаюра-нитшкаöсь, гежöда эжöра-нитшкаöсь.

Пöкатыс ньывкöс, ёнджыкасö вутшка-гыбада участокьяс, местаясын артмöдö мусюра-йөнöда комплекс. Джуджыдиньясын быдмöгыс öтсымаöсь да петкöдлöма котырьясөн, кöни медуна быдмöны нюрвывса кустьяс, мырпом да нюр нитшьяс. Йөнöдьяслөн сикасыс этша, гежöд туруна-куста ярус да öтпомся нюр нитшьяс. Сэні паськалöмаöсь котырьяс, кöни медуна быдмöны олиготрофной туруньяс: нюрвывса шейхцерия (*Scheuchzeria palustris*) да влагалищной гöнаюр (*Eriophorum vaginatum*). Кустьясыс этшаöсь, гöгрöс турипув кызди.

Нюр дорыс да вөр дi дорын участокьясыс вöрсöдöма обыкновенной пöжöмөн (*Pinus sylvestris*), местаясөн уна пашкыр кыз (*Betula pubescens*). Вутшьяслөн бура сöвмöм туруна-куста ярусын медуна быдмö керч, нюрвывса момга турун да обыкновенной чöдлач (*Vaccinium uliginosum*). Вутшкостса увтасиньясын да гыбадысын ёнджыкасö быдмö влагалищной гöнаюр. Тайö сикасыс медуна быдмö да артмöдö гöнаюра-нитшка котырьяс. Му веркöсыс артмöма нитшьясысь, веж нитш сора. Нюр дор пöлөн сідзжö паныдасьöны мезотрофной участокьяс, кöни быдмöгыса му веркöссö артмöдö бутыльчатöй эжөр (*Carex rostrata*) либö посни эжөр (*Carex lasiocarpa*) да кадвуж (*Menyanthes trifoliata*).

6. Заказник торйөн ёна видзан режим

6.1. Заказниклөн мутасын оз позь вöчны овмös нуöдан да мукöд удж, мый вöсна вермас торксьыны экосистемаяслөн дзоньлуныс, сы лыдын:

1) капитальнöя стрöитан объектъяс стрöитöм;

2) линейнöй объектъяс стрöитöм, тайö Положениеса 6.2 пунктын индöм случайяс кындзи;

3) пуяс да кустъяс кералöм да механическöя жугöдöм (виччысьтöм да аварийнöй ситуацияяс кындзи);

4) абу пуа вөр ресурсъяс, вöрса сёян-юан да бурдöдан быдмöгъяс заптöм да чукöртöм, индöм ресурсъяссö да быдмöгъяссö гражданаөн асланыс могъяс вылö заптöм да чукöртöм кындзи;

5) прöмыслöвöя кыйсьöм;

6) муяс бурмöдöм;

7) химия препаратъяс да мувердас видзöм да наөн вöдитчöм;

8) туйясысь, кутшöмъяс эмöсь, да торйөн индöм местаясысь бокын механизируйтöм транспортлөн ветлöм да сулалöм (заказник видзан мероприятиеяс, а сіджö вөр-ва объектъяс да комплексъяс видзан да бөр лöсьöдан мероприятиеяс нуöдöмкöд йитчöм случайяс кындзи), механическöй транспорт средствояс кындзи, кутшöмъяс ветлöны да сулалöны тöвнас, кор усьöма лым сэк, кор оз лэдзны му эжöд, быдмöгъяс да вөр пуктасъяс жугöдöмсö;

9) туясян (корсьысян, геофизическöй, геологоразведочнöй) уджъяс, муыввса да механизируйтöм средствоясөн вöдитчöмкöд да му веркös да быдмöгъяс тшыкöдöмкöд йитчытöм уджъяс кындзи;

10) мупытшса озырлун, сы лыдын трунда, перйöм;

11) заказниклысь мутас ёгöсьтöм да няйтчöдöм, а сіджö производство да потребление шыбласъяс меститöм (видзöм да гуалöм), ортсö лэдзан ва бокö нуöдöм;

12) геологическöй, ботаническöй, зоологическöй да мукöд коллекция чукöртöм, заказникөн веськöдлысь органкöд сöгласуйтöмөн наука-туялан могъясын найös чукöртöм кындзи;

13) му веркös да быдмöгъяс тшыкöдöм, 6.2 пунктын индöм случайяс кындзи;

14) лэбач позъяс да горсьяс жугöдöм;

15) аншлагъяс, шлагбаумъяс, стендъяс, мудор петкöдлысь сюръяс, мукöд юöртан пас да индалысь, экологическöй ордымъясса да шойччан местаясса оборудование бырöдöм да торкöм, пуяс вылын гижалöм да пасъяс вöчöм.

6.2. Заказниклөн мутасын позьö:

- 1) нуöдны наука-туялан уджъяс заказникöн веськöдлысь органкöд сöгласуйтöмөн;
- 2) оланпастэчасөн урчитöм пöрадокын любительскöя да спортивнöя кыйсьыны;
- 3) котыртны да нуöдны вөр овмöс, нуöдны вөръясын пöжарысь да санитарнöй боксянь видзчысьöмсö могмöдан мероприятиеяс вөр йитöдъяс ладмöдан юкöнын оланпастэчасөн урчитöм пöрадокын тайö Положениелөн 6.1 пункта корöмъяс тöд вылö босьтöмөн;
- 4) стрöитны, выльмöдны, уджöдны линейнöй объектъяс, сэк, кор найöс оз позь меститны мöдлаö, а сідзжö заказниклысь уджалöмсö могмöдöм могысь, заказникöн веськöдлысь органкöд сöгласуйтöмөн;
- 5) капитальнöя дзоньтавны линейнöй объектъяссö заказникöн веськöдлысь органкöд сöгласуйтöмөн;
- 6) абу капитальнöй стрöйбаяс да сооружениеяс стрöитöм, кутшöмъяс йитчöмаöсь вöчны позяна удж сикасьяс збыльмöдöмкöд;
- 7) нуöдны овмöс да мукöд уджлысь мöд сикасьяс, мыйысь абу öлöдöма вөр-ваөн вöдитчан да гөгöртас видзан юкöнын оланпастэчасөн да тайö Положениеөн, оланпастэчасөн урчитöм пöрадокын.

7. Бöртас

7.1. Заказниксö, сы лыдын сылөн мутасын меститчöм вөр-ва комплексъяссö да налысь компонентъяссö, видзöны вөр-ваөн вöдитчан да гөгöртас видзан юкöнын оланпастэчас серти.

7.2. Заказниклөн вөр-ва комплексъяслы да налөн компонентъяслы лёктор вöчан грöз артмöм дырйи сылөн мутасын вöчны позяна удж сикасьяссö дзескöдöны, недыр кад кежлö дугöдöны либö дугöдöны пöрадокын, кутшöмöс урчитöма федеральнöй оланпастэчасөн.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материалъяс вылын.

7.4. Заказниклөн вөр-ва комплексъяслы либö налөн компонентъяслы вöчöм лёкторсö колö вештыны Россия Федерацияса оланпастэчас серти.

7.5. Йöзöс, кодъяс мыжаöсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалан да сійöс могмöдан мероприятиеяс збыльмöдсьöны Коми Республикаса республиканскöй

сьомкуд сьом тшӧт весьтӧ да оланпастэчасӧн абу ӧлӧдӧм мукӧд ӧшмӧс тшӧт
весьтӧ.

Пасйӧд. Мудоръяссӧ опишитӧма Сыктывкарса лесничестволысь 2013
вося вӧр овмӧс котыртан да нуӧдан материалъяс тӧд вылӧ босьтӧмӧн.

Коми Республикаса Веськӧдлан котырлӧн
2020 во вӧльгым тӧлысь 16 лунся 554 №-а шуӧм дорӧ
3 №-а содтӧд

Коми АССР-са Министръяс Сӧветлӧн, Коми Республикаса
Министръяс Сӧветлӧн ӧткымын шуӧмӧ пыртӧм вежсьӧмъяс
ЛЫДДЬӦГ

1. «Коми АССР-ын заказникъяс да вӧр-ва памятникъяс индӧм йылысь»
Коми АССР-са Министръяс Сӧветлӧн 1978 во вӧльгым тӧлысь 30 лунся 484
№-а шуӧмын:

1) Нюръясын – вӧр-ва памятникъясын (шуӧм дорӧ 4 №-а содтӧд):

«

Нимтӧм	250	-«-	-«-	56, 80-82 кв.	-«-
--------	-----	-----	-----	---------------	-----

»

позициясӧ киритны;

2) Мукӧд заказникъясын (шуӧм дорӧ 5 №-а содтӧд):

содтыны татшӧм сюрӧса комын сизимӧд позиция:

«

«Вылыс Печга»	280	«Сыктывкар» МЮ КК	Сыктывкарса лесничество- лӧн Эжваса участковӧй лесничество	68-70, 80, 81 квартальяслӧн юкӧнъяс	Турипувья нюр
------------------	-----	----------------------	--	---	------------------

».

2. «Коми АССР-ын выль заказникъяс да вӧр-ва памятникъяс котыртӧм
йылысь» Коми АССР-са Министръяс Сӧветлӧн 1989 во кӧч тӧлысь 26 лунся 193
№-а шуӧмын:

1) Коми АССР-са вылысь артмӧдӧм заказникъясын (шуӧм дорӧ 1 №-а
содтӧд):

сизимӧд позициясӧ гижны тадзи:

«

«Белоборскӧй» канму вӧр-ва, республиканск ӧй	комплексн- ӧй (ландшафтн- ӧй)	Меститчӧма «Сыктывкар» КК МЮ мутасын, Сьӧдкыркӧтш посёлоксянь 2	Шӧр пармаса вӧр-ва компле- кс	«Белоборскӧй» республика тӧдчанлуна канму вӧр-ва заказник йылысь положение серти
--	--	--	---	---

		<p>км рытыв- войвывлань, мыйкӧ мында Сыктывкарса лесничестволӧн Трѣхозѣркаса участковӧй лесничестволӧн 140, 141, 150, 160, 167 квартальясын да 135-139, 142- 144, 151-153, 161-163, 168- 170, 176-180, 185-188, 203 квартальяслӧн мудоръясын. Заказниклӧн мудорӧ сідзжӧ пырӧны видз- му овмӧс тӧдчанлуна муяс, кутшӧмъяс меститчӧмаӧсь Эжва юлӧн ойдланінса веськыд террасаын Сыктывкарса лесничестволӧн Трѣхозѣркаса участковӧй лесничестволӧн 176, 203 квартальяссянь рытывланьджы к участокъясын</p>		
--	--	---	--	--

		да 185-188, 203 квартальясысь лунвывланьдж ык		
--	--	--	--	--

»;

2) Коми АССР видзан вөр-ва мутасьяслон да объектъяслон выль типизацияын (шуом дорö 3 №-а содтöд):

комынод позициясö гижны тадзи:

«

«Вылыс Печга»	«Сыктывкар» КК МЮ	1978 во 11.30 лунся 484 №	Нюр - вөр-ва памятник	Гидрологичес- кöй (нюрвывса) заказник
------------------	----------------------	------------------------------	-----------------------------	---

».

3. «Республика тöдчанлуна заказникъяс да вөр-ва памятникъяс йылысь да выль заказникъяс котыртöм йылысь положениеяс вынсьöдöм йылысь» Коми Республикаса Министръяс Сöветлön 1993 во рака тöлысь 1 лунся 110 №-а шуöмын:

шуом дорö 71 №-а содтöд киритны.